

**Ammasumik ataatsimiinnermi oqaluuserisassat:**

**Imm. 01. Oqaluuserisassat akuersissutigineri.**

**Imm. 02. Siulittaasup nalunaartai.**

**Aningaasaqarnermut tunngasut**

**Imm. 03 Atammimmi arsaattarfiup qallersorneqarnissaa.**

**Imm. 04 Inuiattut ullorsiornissamut qinnuteqaat.**

**Imm. 05 Napasup 150-liinissanut kalaalinimernik pisiortornissamut qinnuteqaat.**

**Suliassat nalinginnaasut**

**Imm. 06. Ukiunut tulluuttunut 2016-2019-imut sanaartugassatut kissaatigisat**

**Imm. 07 2015-imi ukiuuneranilu 2016-mi piffissaliussat piniarfiusussat tututassiisutit  
umimmattassiisutillu.**

**Paasissutissiisutit.**

**Imm. 08. Iisimatitsissutit**

**Imm. 09. Tamalaat.**

Ataatsimiinneq aallartippoq nal. 09.15

***Peqataasut:***

***Atassut:***

Niels Kristiansen Atammik

***Inuit Ataqtigiit:***

Erneeraq Poulsen Atammik

***Siumut:***

Tippu Bolatta Jakobsen Poulsen Atammik

Jens Kristiansen Napasog

Anthon Poulsen Atammik

*Nalunaaruteqarlutik peqataanngitsut:*

*Nalunaaruteqaratik peqataanngitsut*

**Imm. 01 Oqaluuserisassat akuersissutigineri.**

**Aalajangiineq**

Akuerineqarput.

**Imm. 02 Siulittaasup nalunaarutaa.**

Ataasinngorpat 08.juni peqatigiiffiit aggersarneqarput atuarfimmut nal.18,30

*Inuiattut ullorsiornissaq pillugu.ukioq manna peqatigiiffiit namminneq aaqqissuussissammata*

Uge 25-mi Junip 15-16-17-anilu Atammimmi nunaqqatigiinnut tamanut nunaqarfimmi salititsineq.

**Imm. 03. Atammimmi arsaattarfiup qallersorneqarnissaa.**

*J.nr.22.02.01*

Tunuliaqutaq.

Nunaqarfimmi aqutsisuni ilaasortap Anthon Poulsenip allagaqaatigaa, Atammimmi arsaattarfiup qallersorneqarnissaa aammalu sinaata iluarsarneqarnissaa.

Maleruagassatigut tunngavissat.

Aqutsinermi inatsimmi §53-imi imm.3 stk.1

Aningaasaqarnikkut allaffissornikkullu kingunerisinnaasai

Qallitissanik tikisitsinissaq suliffis-sarsiortuniillu kommunimiillu sulisunik inaalissuinerit isumagineqarsinnaammata. Teknikkimut avatangiisinullu atugassatut 40.000,-kr.+25.000,- katillugit 65.000,-kr missaannut qinusoaqarsinnaavoq. Maannakkut akit qaffassinnerunerat eqqarsaatigalugu.

Pissutsit atuuttut.

Atammimmi arsaattarfik nalinginnaq atussallugu ulorianarsinikuuvoq ujaqqat nuisalernikuugamik, sukkullu tamaana putoqartitilernikuulluni. Pututigut sioqqat kuuguttarlutik.

Arsaattarfik kingullermik 2010-mili qallersorneqarnikuuvoq. qalliutaasa teqqalasarnerat aamma peqquteqarpoq helekopterinek miffigineqartarneranik, napparsimaveeqqamiit aallarussisoqartussaatiillugu, miffiusarami.

Allaffeqarfiup naliliinera.

Allaffeqarfik isumaqarpoq Betoncentralimut stenmelinik qinusoaqartariaqartoq 65.000,kr-inut. Suliffissaqartitsiniutit, kommunillu sulisuinik ikiorteqarnermi tamanna naammassiniarneqartariaqartoq. Teknikkeqarfik aqutigalugu qinnuteqaatigineqassapput.

Ilanngullugu mittarfeqarfiit, tele-lu mittarfeqqap allamut nuuttariaqarnera piaartumik allaasari-neqartariaqartoq.

Konto 1820803501 maannakkut imaqarpoq. 158.000,-kr

Innersuussut:

Allaffeqarfiup nailiinera konto 1820803501 atussasoq.

**Aalajangiineq**

Amerlanerussuteqartut akuersipput

**Imm. 04. Inuiattut ullorsiornissamut qinnuteqaat.**

*Jr.nr.00.10.03*

Tunuliaqutaq

Nunaqarfimmi aqutsisut siulittaasuata Tippu Bolatta J Poulsenip saqqummiuppaa, inuiattut ullorsiornissamut aningaasanik qinnuteqarluni katillugit 4.000,-kr. Kaffit tii kaagit kalaaliminnernullu atugassanik.

Maleruagassatigut tunngavissat.

Aqutisinermi inatsimmi §53-imi imm.1 stk.6 inuiattut ullorsiornermi.

Aningaasaqarnikkut allaffissornikkullu kingunerisinnaasai

konto 1820803501 maannamut aningaasaatit 158.000,kr-upput.

Pissutsit atuuttut

Ukiut tamaasa ullorsiornermut konto 18-imiit aningaasaliisoqartalernikuuvoq, kultureqarnermut tunngasuniit siornatigut aningaasaliisoqartaraluarpoq.

Allaffeqarfiup naliliinera

Allaffeqarfik isumaqarpoq, nunaqarfiit tamarnik tamanna eqqumaffigisariaqaraat. takuneqarsinnaammat nunaqarfiup aappaannaa qinnuteqartoq.

Nunaqarfimmi aqutsisut eqqartortariaqaraat.

Innersuussut:

Konto 1820803501-imiit 4.000,-kr-nik tapiisoqartariaqartoq. Peqatigiiffillu suleqatigalugit aqqis-suussisoqarluni.

**Aalajangiineq**

Siornatut aningaasaliisoqassaaq konto 1820803501-imiit 6000,-kr konto 1820703501 3.500,-kr.

**Imm. 05. Napasup 150-liinissaanut kalaaliminernik pisiortornissamut qinnuteqaat.**

*Jr.nr.03.19*

Tunuliaqutaq

Nunaqarfimmi aqutsisuni ilaasortap Erneeraq Poulsenip oqaluuserisassanngortippaa Napasup Ukiunik 150-liinissaanut kalaaliminernik pisiortornissamut aningaasanik 10.000,-kr-nik

Maleruagassatigut tunngavissat

Aqutsinermi inatsimmi §53 imm.1 stk 7 Nunaqarfimmi nalliuttorsiornermi.

Aningaasaqarnikkut allaffissornikkullu kingunerisinnaasai

konto 1820703501 maanna imaqarpoq.153.000,-kr.

Pissutsit atuuttut

Ukiaru 29.august 2015 Napasooq ukiunik 150-liilluni nalliuttorsioortussaavoq,nunaqarfimmi aqutsisut Napasumut ataatsimiisitsiartornermi siunnersuutigineqarpoq suliniartoqartariaqartoq kalaaliminersiniarnissaq eqqarsaatigalugu.

Allaffeqarfiup naliliinera

Allaffeqarfimmiit suliassaq nukinginnartinneqarpoq,pisiallu sumut inaalittarnissaat eqqumaffigineqartariaqartoq isumannaatsumut inissinneqartariaqarmata.Pisinermi udgiftsordre atorneqassaaq.

Innersuussut:

Allaffeqarfiup innersuussutaa malillugu akuerineqarnissasoq konto 1820703501

Aalajangiineq

Akuerineqarpoq

**Suliassat nalinginnaasut.**

**Imm.06. Ukiunut 2016-imut missingersuutissat ukiunullu 2017-imiit 2019-imut sanaartugassatut kissaatigisat.**

*Jr.nr.*

**Tunuliaqutaq.**

Atammimmi Napasumilu ataatsimiisitsisoqareerneratigut kissaatit, aammalu nunaqarfimmi aqutsisut immikkut ataatsimiisinnerqarneranni imatut inissipput.

**2016**

Timersortarfeeraq Napasumi  
Kommunip allaffia nutaaq Atammimmi  
Daglejecenter Napasumi  
Qatserutaasivik nutaaq Atammimmi  
Klubhus Atammimmi  
Iliveqarfissaq Napasumi (2015-2016 ingerlavoq)

**2017**

Utoqqaat innarluutilillu pisinnaanerusunut inissiat 6-it Atammimmi  
Sannaviup allinissaa iluanilu illikartiterummik pisaarnissaaq Napasumi  
Qatserutaasivik nutaaq Napasumi  
Aqqusinernik kuuffilersuineq, kabelit,imiullu aqquatai Atammimmi  
Timersortarfeeqqap allinissaa Atammimmi

**2018**

Utoqqaat pisinnaanerusut illuat Atammimmi  
Ikaartarfiliinissaa Umiatsilivinnguup qinnguatiqut Atammimmi  
Talittarfiup avammut tallinera 10.meterimik Atammimmi  
Arsaattafiup allinissaa kujammut Napasumi  
Asfalterineq Atammimmi  
Eqqaavissuit torersarneqarnissaat Atammimmi Napasumilu

**2019**

Meeqqat inuusuttullu ornittagaat Napasumi  
Arsaattarfik Umiatsilivinnguup qinnguani Atammimmi  
Rækkehuset inuusuttunut Napasumi  
Qeqqertakasik kaajallallugu nunniorneq Atammimmi

**Maleruagassatigut tunngavissaaq**

**Pissutsit atuuttut**

Ukiut tamaasa qaammammi Juni-mi sanaatugassatut kissaatit saqqummiunneqartarput,nalilersor-  
neqariarlutik kommunalbestyrelsimut aningaasaligassatut ingerlanneqartarlutik.

**Allaffeqarfiup naliliinera**

Allaffeqarfik isumaqarpoq ukiut tamaasa toqqaasoqartalernikummat pingaanerit pingasut,  
taakkulu 2016-imut inissinneqartariaqarput.

**Innersuussut**

Nunaqarfimmi aqutsisut oqaluuserissagaat.allakkatigullu ingerlatsillutik.

**Aalajangiineq**

1. Timersortarfik Napasumi
  2. Kommunip allaffia Atammimmi
  3. Daglejecenter Napasumi
- Sillimmatitut : 1.Qatserutaasivik nutaaq Atammimi 2.Klubhus Atammimmi

**Imm. 07. 2015-mi ukiuuneranilu 2016-mi piffissaliussat piniarfiusussat tuttutassiisutit Umimmattassiisutillu.**

*Jr.nr.*

Tunuliaqutaq

Matumuuna 2015-mi ukiuuneranilu 2016-mi piffissaliussanut piniarfiusussanut, tuttutassiisutitut kiisalu umimmattassiisutitut siunnersuutit tusarniutigineqarput. Pinngortitaleriffimmiit ukiumut piniarfiusumut 2014-mut ukiuuneranilu 2015-mut sanilliullugu allannguuteqannginnissaat siunnersuutigineqarpoq, tamaakkaluartorli mianersornissaq tunngavigalugu ukiuni aggersuni sukaterisoqarsinnaavoq pissutigalugu ukiuni kingullerni tuttunik umimmannillu kisitsisoqarsimanngimmat. Tusarniut 17.juni killeqarpoq.

Maleruagassatigut tunngavissaq

Pissutsit atuuttut

**Tuttut**

Piniarfinnut tamanut tunngasoq: Inuussutisarsiutigalugu tuttunniarneq sunngiffimmilu tuttunniarneq 01.augustimi aallartissaaq 15.oktober ilanngullugu.

Naalakkersuisup kissaataa malillugu Piniarfik 1-4-5-6-7-8-milu ukiuunera inuussutisarsiutigalugu piniartut killilimmik tuttutassinneqassapput. Biologenit inassutigineqarpoq Piniarfik 8-mi taamaallaat ukiuunerani tuttutassiisoqassasoq.

**Umimmaat**

Aqutsiveqarfik Maniitsoq Piniarfik 2-mi Kangerluussuup kujataa-tungaaniittumi inuussutisarsiutigalugu sunngiffimmilu umimmanniarneq matoqqatinneqarallarpoq tamannalu ukiukkaartumik nalilersorneqaqqissalluni. Tunngavilersuutit Kangerlussuup eqqaani piniarfik 2-mi inuussutisarsiutigalugu sunngiffimmilu umimmanniarneq matoqqatinneqarallarpoq pissutigalugu umimmaat piniarfimmut pineqartumut uteqqinnissaat anguniarneqarmat.

Piniarfik 3-mi ukiuunerani 2016-imi inuussutisarsiutigalugu umimmanniarneq 10.januar aallartissaaq 10.marts ilanngullugu ingerlassalluni piffissaliussamilu tassani ukiuunerani sunngiffimmi umimmanniarneq Piniarfik 1-imi periarfissaassalluni.

Allaffeqarfiup naliliinera

Nunaqarfimmi aqutsisut isummersorfigissagaat.

Innersuussut

Tusaatissatut tiguneqassasoq.

Aalajangiineq

Innersuussut akuerineqarpoq.



**Paasissutissiissutit.**

**Imm. 08. Ilisimatitsissutit.**

1. Uge 18 Atammimmi imaqarniliaq
2. Maj.26. Ini A/S-ip angalanera Kangaamiut Atammik Napasorlu.
3. Maj.27 Aningaasaqarnermut siunnersuisoqatigiit angalanerat Atammimmut
4. Napasumi piniutaasiviup toqqavissaanik toqqaaneq.
5. Qeqqata Kommuniani nunaqarfinnut aqutsisut suleriaasissaat.
6. Nunaqarfimmi aqutsisut Atammik-Napasullu 13.maj 2015 ataatsimiissutaat.
7. Atammimmi innuttaasunik ataatsimiisitsineq 07.05.2015
8. Napasumi innuttaasunik ataatsimiisitsineq 12.05.2015

**Imm. 09. Tamalaat.**

1. Atammimmi puttasut kangilliit timaa-tungaaniittut nakkaatilersoq kipineqassasoq.
2. Atammimmi kalaalimineerniarfiup nerriviusassaa sulit tikissimanngitsoq
3. Aqquserngit sinaasa iluarsarnissaat, naammassinngitsullu allat naammassinissaat Atammimmi
4. Pilersuisup avannaaniittoq aqqusineq iluarsiniagassaq. Atammimmi
5. Pinnguartarfiit ungalui peerneqarnissaat. Atammimmi

Ataatsimiinneq naammassivoq: Nal:11,32